

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA TUZLANSKOG KANTONA
Krizni štab Ministarstva zdravstva Tuzlanskog kantona



Broj:13/1-33-1672-8-1-26/21

Tuzla, 25.02.2022. godine

Na osnovu Odluke Vlade Federacije Bosne i Hercegovine da 31.5.2020. godine prestaje stanje nesreće uzrokovane pojavom koronavirusa (COVID-19) na području Federacije BiH od 29.05.2020. godine, člana 6. Pravilnika o organiziranju i načinu rada Kriznog štaba Federalnog ministarstva zdravstva („Službene novine Federacije BiH“, broj: 10/12), tačke V Odluke 13/1-33-002027-5/20 od 23.02.2021. godine Ministarstva zdravstva Tuzlanskog kantona, Krizni štab Ministarstva zdravstva Tuzlanskog kantona donosi

NAREDBU

1. Naređuje se obavezno nošenje zaštitnih maski preko usta i nosa za zaštitu respiratornog sustava u zatvorenom prostoru i uz poštivanje razmaka od minimalno 2 metra u svim zdravstvenim ustanovama bez obzira na oblik vlasništva, ustanovama koje zbrinjavaju starije osobe, ustanovama koje zbrinjavaju i smještaju osobe sa poteškoćama u razvoju i osobe sa duševnim smetanjama, kazneno-poravnim ustanovama i drugim ustanovama socijalne skrbi, kao i sredstvima javnog prijevoza.
Izuzetno, zaštitne maske nisu obavezni nositi: korisnici ustanova navedenih u tački 1. ovog poglavlja koji imaju probleme s disanjem zbog hroničnih bolesti ili koji ne mogu skinuti masku bez pomoći druge osobe.
2. Sva okupljanja odvijaju se u prostoru koji omogućuje obavezni fizički razmak od najmanje 2 metra između osoba i poštivanje higijensko-epidemioloških mjera koje su donijeli zavodi za javno zdravstvo u Federaciji BiH. Za provedbu epidemioloških mjera i organizaciju skupa odgovorni su organizatori okupljanja.

Na skupovima koji se održavaju u zatvorenom prostoru, a na kojima se okuplja više od 300 osoba, pored tačke 2. ovog poglavlja, svi sudionici moraju imati:

- negativan antigenski test, ne stariji od 24 sata ili PCR test, ne stariji od 48 sati, ili
 - potvrdu o prebolovanom COVID-19, ne stariju od 4 mjeseca, ili
 - potvrdu o završenom cijepljenju (ne stariju od 4 mjeseca nakon druge doze cjepiva, odnosno 12 mjeseci nakon treće doze cjepiva);
3. Naređuje se Kantonalnoj upravi za inspeksijske poslove, odnosno nadležnim općinskim i gradskim inspektorima da kontinuirano kontroliraju provedbu Naredbe pod tačkama. 1 i 2 ovog poglavlja, te u skladu sa svojim ovlastima poduzimaju mjere iz okvira svoje nadležnosti.
 4. Poslovni subjekti dužni su postupati po internom kriznom planu pripravnosti i odgovora na pojavu COVID-19.
 5. U svim oblicima prodavaonica, sukladno Pravilniku o klasifikaciji prodavaonica i drugih oblika trgovine na malo („Službene novine Federacije BiH“ broj 111/12) se ograničava broj kupaca prema sljedećim kriterijima, tako da se definira prostor od 10 m² prodajnog objekta po potrošaču.

6. Bez obzira na veličinu prostora prodajnog objekta, nije dopušten boravak više od 400 potrošača.
7. Prodavaonica, kao i drugi objekti slične namjene, dužni su na ulazu u objekt na vidljivom mjestu postaviti informacije o veličini prodajnog prostora i maksimalno dopuštenom broju potrošača sukladno definiranom prodajnom prostoru/broj potrošača.
8. Pružanje usluga u ugostiteljskim objektima u zatvorenom i na otvorenom prostoru odvija se uz poštivanje razmaka od minimalno 2 metra između stolova.
9. Ugostiteljski objekti koji organiziraju muziku uživo, disko klubovi, kao i objekti slične namjene moraju provoditi VPT pravilo i obvezno poštivanje razmaka od minimalno 2 metra između stolova.
10. Dopuštaju se posjeti i izlaz osobama smještenim u ustanovama socijalne skrbi koje zbrinjavaju i smještaju starije osobe, uz uvjet da ustanova mora imati interni plan za posjete u ustanovi, kao i krizni plan u slučaju pojave zarazne bolesti COVID-19. Ostale ustanove socijalne skrbi, uključujući u ovo i ustanove socijalne skrbi koje zbrinjavaju i smještaju osobe s poteškoćama u razvoju i osobe s duševnim smetnjama, te kazneno-popravne ustanove, moraju imati interni plan za posjete i izlaske iz ustanove, kao i krizni plan u slučaju pojave zarazne bolesti COVID-19, te imaju obvezu postupanja po istom.
11. Dopušta se prijem novih korisnika u ustanovama socijalne skrbi, uz uvjet da je prethodno provedeno PCR testiranje na COVID-19. Navedeno se primjenjuje i kod premještanja korisnika iz zdravstvene ustanove u ustanovu socijalne skrbi. Obveza je ustanove socijalne skrbi osigurati prostor za izolaciju korisnika.
12. Traži se od Ministarstva obrazovanja da, obezbijedi striktno poštivanje svih preporučenih mjera u svim obrazovnim ustanovama na području kantona te da, ukoliko dođe do pogoršanja epidemiološke situacije u pojedinim ustanovama, u saradnji sa menadžmentom ustanove, na osnovu zajedničke procjene, a u suradnji sa nadležnom higijensko- epidemiološkom službom, donese odluku o mjerama i modelima za održavanje nastave.
13. U cilju sprječavanja širenja COVID-19, svaka obrazovna ustanova na području kantona dužna je postupiti suglasno kriznom planu pripravnosti i odgovora na pojavu COVID-19.
14. Održavanje sportskih natjecanja na otvorenom uz prisustvo gledatelja odvija se uz pridržavanje općih higijensko-epidemioloških mjera, te u zatvorenom prostoru uz prisustvo gledatelja uz uvjete primjene pravila VPT i razmaka među gledateljima od 2 m.
15. Prilikom ulaska i izlaska sa stadiona potrebno je osigurati organizirani ulazak, uz poštivanje higijensko-epidemioloških mjera, za što su zaduženi COVID-redari.
16. Prilikom ulaska na stadion potrebno je staviti u upotrebu sve ulaze kako bi se smanjio rizik većeg okupljanja.

17. Trenažni procesi sportista svih profesionalnih sportskih klubova održavaju se uz pridržavanje općih higijensko-epidemioloških mjera donesenih od zavoda za javno zdravstvo u Federaciji BiH.
18. Sportski savezi i organizatori sportskih natjecanja i trenažnih procesa iz ove točke odgovorni su za provedbu higijensko-epidemioloških mjera.
19. Odmah po imenovanju Vlade Tuzlanskog kantona ova Naredba Kriznog štaba Ministarstva zdravstva Tuzlanskog kantona će se uputiti Vladi radi usvajanja.
20. Ova Naredba se primjenjuje od 26.02.2022. godine, a važi do 11.03.2022. godine, osim u slučaju značajnog pogoršanja higijensko-epidemiološke situacije na području kantona ili u slučaju donošenja drugačijih naredbi od strane Kriznog štaba Federalnog Ministarstva zdravstva

Dostaviti:

- 1x Gradovi/Općine na području TK
- 1x KUIP TK
- 1x MUP TK
- 1x Uprava policije TK
- 1x JZU/PZU - svim u TK
- 1x Svim ministarstvima TK
- 1x Svim poslovnim subjektima u TK
- 1x Mediji
- 1x a/a

PREDSJEDNIK KŠMZTK
Dr.sci. Mulić Maida, van.prof.

